

Na osnovu člana 8 Statuta Federalnog zavoda za zapošljavanje, a u skladu sa članom 7 stav 2 Zakona o budžetima u Federaciji Bosne i Hercegovine ("Službene novine Federacije BiH", br.:102/13, 9/14 i 13/14) Upravni odbor Federalnog zavoda za zapošljavanje na sjednici održanoj 20.05.2014. godine donosi:

O D L U K U
O IZVRŠAVANJU IZMJENA I DOPUNA FINANSIJSKOG PLANA
FEDERALNOG ZAVODA ZA ZAPOŠLJAVANJE ZA 2014. GODINU

I – Opće odredbe

Član 1.

Ovom Odlukom se uređuje struktura prihoda i primitaka, te rashoda i izdataka Izmjena i dopuna Finansijskog plana Federalnog zavoda za zapošljavanje za 2014. godinu (u daljem tekstu Finansijski plan) i njegovo izvršavanje, prioriteta plaćanja, obim zaduživanja i izdavanja garancija, upravljanja dugom, te finansijskom i nefinansijskom imovinom, ovlaštenja Upravnog odbora i direktora, kazne za neispunjenje obaveza, te druga pitanja u izvršavanju Finansijskog plana.

Član 2.

Finansijski plan je akt koji donosi Upravni odbor Federalnog zavoda za zapošljavanje, a kojim se utvrđuje plan finansijskih aktivnosti iskazanih kroz projekciju godišnjih prihoda i primitaka, utvrđenih iznosa rashoda, izdataka i finansiranja.

Parlament Federacije BiH daje saglasnost na Finansijski plan.

II- Struktura prihoda i primitaka, te rashoda i izdataka

Član 3.

Finansijski plan se sastoji od općeg i posebnog dijela.

Opći dio Finansijskog plana čini Račun prihoda i primitaka, rashoda, izdataka, te finansiranja. U računu prihoda i rashoda iskazuju se porezni i neporezni prihodi i drugi prihodi i primici, te rashodi i izdaci utvrđeni za finansiranje poslovanja Federalnog zavoda na osnovu zakona i drugih propisa.

Posebni dio Budžeta sastoji se od plana rashoda i izdataka, razrade ukupnih izdataka po ekonomskoj klasifikaciji za 2014. godinu, programskim aktivnostima sa pripadajućim projektima, te plana realizacije kapitalnih izdataka.

Član 4.

Račun prihoda i rashoda sastoji se od:

1) Prihoda:

- doprinosa za osiguranje od nezaposlenosti koje uplaćuju poslodavci i zaposlenici, u skladu sa zakonom;
- kamata ili prihoda od uloga, kamata na depozit, kamata po datim plasmanima, ostalih kamata, radnih dozvola i drugih uplata;
- prihoda od pokretne ili nepokretne imovine koju Federalni zavod kupi ili stekne, u skladu sa zakonom;
- primljenih grantova i kapitalnih primitaka.

2) Rashoda:

- za zaposlene, odnosno tekućih rashoda za plaće, naknade i doprinose;
- izdataka za materijal i usluge;
- tekućih grantova;
- kapitalnih izdataka.

III – Izvršavanje Finansijskog plana

Član 5.

Federalni zavod za zapošljavanje (u daljem tekstu Federalni zavod) može odobrena sredstva koristiti samo na način, u visini i za namjenu utvrđenu Finansijskim planom i ovom Odlukom.

Član 6.

Finansijski plan se izvršava na osnovu planirane dinamike realizacije programskih aktivnosti, a u skladu sa raspoloživim sredstvima. Pri ugovaranju obaveza nužno se vodi računa o projektovanoj dinamici priliva i odliva sredstava i vrši se usklađivanje plaćanje sa planovima izvršavanja Finansijskog plana.

Finansijski plan se izvršava na način propisan Zakonom o posredovanju u zapošljavanju i socijalnoj sigurnosti nezaposlenih osoba („Službene novine Federacije BiH“, br. 55/00, 41/01, 22/05 i 9/08) po sljedećim prioritetima:

- 1) administrativni troškovi,
- 2) ostvarivanje materijalne i socijalne sigurnosti nezaposlenih osoba i za realizaciju programa za socijalno zbrinjavanje nezaposlenih osoba osiguravanjem nedostajućih sredstava,
- 3) mjere za promicanje ostvarivanja i održavanja više stope zaposlenosti i poboljšanje strukture zaposlenih,
- 4) kapitalni izdaci.

Član 7.

Upravni odbor Federalnog zavoda jednom kvartalno, na prijedlog direktora, može donijeti odluku o prestrukturiranju rashoda i izdataka u okviru ukupnog odobrenog iznosa, a najviše do 10% ukupno odobrenih rashoda i izdataka prema Finansijskom planu.

Prestrukturiranje rashoda i izdataka može se vršiti na pozicijama 611000, 612000, 613000 i 820000, a na poziciji 614000 prestrukturiranje rashoda može se vršiti samo u okviru ove pozicije.

Član 8.

Svi porezni prihodi, odnosno prihodi od doprinosa za osiguranje od nezaposlenosti i prihodi od izdavanja radnih dozvola se prikupljaju putem depozitnog računa koji je pod isključivom nadležnošću Federalnog zavoda u skladu sa Zakonom o trezoru u Federaciji Bosne i Hercegovine ("Službene novine Federacije BiH", br.: 58/02, 19/03 i 79/07).

Član 9.

Sredstva utvrđena Finansijskim planom na pozicijama "Plaće i naknade troškova zaposlenih" i "Doprinosi na teret poslodavca", te sredstva utvrđena Finansijskim planom na poziciji "Izdaci za rad Upravnog odbora" osiguravaju se i realizuju u skladu sa zakonima, Kolektivnim ugovorom, podzakonskim i internim aktima Federalnog zavoda.

Član 10.

Postupak nabavke roba, radova i usluga vrši se u skladu sa Zakonom o javnim nabavkama Bosne i Hercegovine ("Službeni glasnik BiH" broj 49/04, 19/05, 52/05, 92/05, 94/05, 08/06, 24/06, 70/06, 12/09, 60/10 i 87/13).

Član 11.

Sredstva utvrđena Finansijskim planom na poziciji "Sredstva za ostvarivanje materijalne i socijalne sigurnosti i za realizaciju Programa mjera za socijalno zbrinjavanje nezaposlenih osoba" realizuju se uz odobrenje resornog ministarstva, a u skladu sa odredbama Zakona o posredovanju u zapošljavanju i socijalnoj sigurnosti nezaposlenih osoba („Službene novine Federacije BiH“, br. 55/00, 41/01, 22/05 i 9/08), te u skladu sa Programom mjera za socijalno zbrinjavanje nezaposlenih osoba koje su u procesu stečaja, likvidacije, restrukturiranja i privatizacije poduzeća ostale ili ostaju bez posla („Službene novine Federacije BiH“, broj 5/07).

Član 12.

Sredstva utvrđena Finansijskim planom na poziciji "Sredstva za Fond za profesionalnu rehabilitaciju, osposobljavanje i zapošljavanje osoba sa invalidetom" realizuju se u skladu sa Zakonom o profesionalnoj rehabilitaciji, osposobljavanju i zapošljavanju osoba sa invaliditetom („Službene novine Federacije BiH“, broj 9/10).

Član 13.

Sredstva utvrđena Finansijskim planom na poziciji "Program zapošljavanja i samozapošljavanja Roma" realizuje se u skladu sa Memorandumom o razumijevanju o implementaciji Akcionog plana Bosne i Hercegovine za rješavanje problema Roma u oblasti zapošljavanja i u skladu sa pojedinačnim programom kojeg donosi Upravni odbor Federalnog zavoda, a koji je usklađen sa Programom rada Federalnog zavoda na koji je saglasnost dala Vlada Federacije Bosne i Hercegovine.

Član 14.

Sredstva utvrđena Finansijskim planom na poziciji "Projekat podrške mrežama za socijalnu sigurnosti i zapošljavanje (SSNESP)" realizuje se u skladu sa Sporazumom o implementaciji i finansiranju projektnih aktivnosti potpisanim sa Jedinicom za implementaciju projekata socio-ekonomske podrške, obuke i prezapošljavanja.

Član 15.

Sredstva utvrđena Finansijskim planom na poziciji "Program sufinansiranja samozapošljavanja mladih osoba „Omladinsko poduzetništvo“ realizuje se u skladu sa pojedinačnim programom kojeg donosi Upravni odbor Federalnog zavoda, a koji je usklađen sa Programom rada Federalnog zavoda na koji je saglasnost dala Vlada Federacije Bosne i Hercegovine.

Član 16.

Sredstva utvrđena Finansijskim planom na poziciji „Program sufinansiranja samozapošljavanja nezaposlenih osoba „Poduzetništvo za sve“ realizuje se u skladu sa pojedinačnim programom kojeg donosi Upravni odbor Federalnog zavoda, a koji je usklađen sa Programom rada Federalnog zavoda na koji je saglasnost dala Vlada Federacije Bosne i Hercegovine.

Član 17.

Sredstva utvrđena Finansijskim planom na poziciji „Programi pripreme za rad (obuka, stručno osposobljavanje i usavršavanje)“ se u skladu sa odlukom Upravnog odbora Federalnog zavoda, odnosno u skladu sa pojedinačnim programom kojeg donosi Upravni odbor Federalnog zavoda, a koji je usklađen sa Programom rada Federalnog zavoda na koji je saglasnost dala Vlada Federacije Bosne i Hercegovine.

Član 18.

Sredstva utvrđena Finansijskim planom na poziciji „Projekat RAST (razvoj, analiza, savjetovanje, transformacija)“ realizuju se u skladu sa odlukom Upravnog odbora Federalnog zavoda usklađenom sa Programom rada Federalnog zavoda na koji je saglasnost dala Vlada Federacije Bosne i Hercegovine.

Član 19.

Sredstva utvrđena Finansijskim planom na poziciji „Zajednički projekti sa drugim institucijama“ realizuju se u skladu sa odlukom Upravnog odbora Federalnog zavoda usklađenom sa Programom rada Federalnog zavoda na koji je saglasnost dala Vlada Federacije Bosne i Hercegovine.

Član 20.

Sredstva utvrđena Finansijskim planom na poziciji „Programi sufinansiranja zapošljavanja i sufinansiranje sticanja prvog radnog iskustva za mlade“ u skladu sa Odlukom o raspodjeli sredstava za „Tekući transfer drugim nivoima vlasti – provođenje mjera aktivne politike zapošljavanja“, tačka 1.1. i 1.2. Programa sufinansiranja zapošljavanja i Programa sufinansiranja sticanja prvog radnog iskustva utvrđenih Budžetom FBiH za 2014. godinu Federalnom ministarstvu rada i socijalne politike, Odlukom o raspodjeli sredstava za „Tekući transfer drugim nivoima vlasti – provođenje mjera aktivne politike zapošljavanja“, tačka 2. Programa stručnog osposobljavanja i zapošljavanja u oblasti vinogradarstva utvrđenih Budžetom FBiH za 2014. godinu Federalnom ministarstvu rada i socijalne politike i pojedinačnim programom kojeg donosi Upravni odbor Federalnog zavoda, a koji je usklađen sa Programom rada Federalnog zavoda na koji je saglasnost dala Vlada Federacije Bosne i Hercegovine.

Član 21.

Sredstva utvrđena Finansijskim planom na poziciji „Program Zajedno do obnove“ realizuje se u skladu sa pojedinačnim programom kojeg donosi Upravni odbor Federalnog zavoda.

Član 22.

Sredstva utvrđena Finansijskim planom na poziciji “Sredstva za uspostavljanje revolving Programa za zapošljavanje u sektoru poljoprivrede” realizuju se u skladu sa Memorandumom između Svjetske banke, Švicarske agencije za razvoj i saradnju i Federalnog zavoda za zapošljavanje i odlukom Upravnog odbora Federalnog zavoda.

Član 23.

Obavljanje platnih transakcija vrši se preko transakcijskih računa.

Potpisnici naloga platnih transakcija putem računa iz stava 1. ovog člana su:

- 1) direktor Federalnog zavoda,
- 2) izvršni direktor Federalnog zavoda.

IV- Zaduživanje i upravljanje dugom

Član 24.

Federalni zavod se može zadužiti i izdati garancije u svrhe, na način, pod uvjetima i u obimu propisanom zakonom kojim se uređuje dug, zaduživanje i garancije u Federaciji BiH.

Član 25.

Finansijske obaveze preuzete u ime i za račun Federalnog zavoda predstavljaju dug Federalnog zavoda i obaveze Federalnog zavoda.

Član 26.

O visini zaduživanja i izdavanju garancija Federalnog zavoda odlučuje Parlament Federacije BiH na prijedlog Upravnog odbora Federalnog zavoda i Vlade Federacije BiH.

Član 27.

Finansijskim planom nije predviđeno zaduživanje i izdavanje garancija, te se s tim u vezi ne utvrđuje iznos gornje granice zaduživanja kao ni obaveze iz osnova tekućih otplata duga Federalnog zavoda.

V- Kaznene odredbe

Član 28.

Odgovorno lice Federalnog zavoda će se kazniti za prekršaj koji napravi, u skladu sa odredbama čl. 102 i 103 Zakona o budžetima u Federaciji BiH.

VI- Prelazne i završne odredbe

Član 29.

U slučaju da drugi propisi sadrže odredbe o načinu izvršavanja Finansijskog plana, pravima i obavezama, koje su u suprotnosti sa ovom odlukom, primjenjivat će se odredbe ove odluke.

Član 30.

Na sva pitanja koja nisu regulisana ovom Odlukom, a tiču se izvršavanja, računovodstva i revizije primjenjivat će se odredbe važećih zakona i podzakonskih akata.

Član 31.

Ova odluka stupa na snagu danom dobijanja saglasnosti Parlamenta Federacije BiH, a primjenjuje se u tekućoj fiskalnoj godini.

Broj: 01/1-14-2091/14
Sarajevo, 20.05.2014. godine

Po Ovlaštenju predsjednice Upravnog odbora
Marijane Milinović, broj: 03-49-517/14
od 14.02.2014. godine

Rada Lukić